

**SAVEZ SLIJEPIH GRADJANA FEDERACIJE
BOSNE I HERCEGOVINE**

**SARAJEVO
ul.Avdage Šahinagića 14**

**S T A T U T
SAVEZA SLIJEPIH FEDERACIJE
BOSNE I HERCEGOVINE**

Sarajevo, DECEMBAR 2006. godine

Na osnovu člana 12. i 14. Zakona o udruženjima i fondacijama (Sl. Novine F BiH broj:45/02) i člana 36. Statuta Saveza slijepih građana Federacije Bosne i Hercegovine Skupština Saveza slijepih građana Federacije Bosne i Hercegovine, na sjednici održanoj dana 09. 12. 2006. godine, d o n o s i

S T A T U T SAVEZA SLIJEPIH FEDERACIJE BOSNE I HERCEGOVINE

I – OPŠTE ODREDBE

Član 1.

Ovim statutom uređuju se:

- naziv Saveza, sjedište i područje njegovog djelovanja;
- ciljevi i djelatnost Saveza;
- način zastupanja i predstavljanja Saveza;
- organi Saveza, njihove ovlasti, način izbora i imenovanja, trajanje mandata, kvorum i pravila glasanja;
- oblik i sadržaj pečata i štambilja Saveza;
- sticanje i raspolaganje imovinom;
- način donošenja programa rada, finansijskog plana, izvještaja o radu i finansijskog izvještaja;
- postupak za donošenje statuta, njegovih izmjena i dopuna, te donošenje drugih općih akata Saveza;
- uvjeti i način učlanjenja, prava i dužnosti članova i prestanak članstva;
- uvjeti i postupak za pripajanje, razdvajanje, transformaciju ili prestanak rada Saveza;
- javnost rada;
- pravila za raspodjelu preostale imovine u slučaju prestanka rada Saveza;
- i druga pitanja od značaja za ostvarivanje ciljeva Saveza.

Član 2.

Savez slijepih Federacije Bosne i Hercegovine (u daljem tekstu: Savez) je slobodna, dobrovoljna, vanstranačka, nepolitička, nevladina i neprofitna organizacija.

Član 3.

Naziv Saveza je: “ Savez slijepih Federacije Bosne i Hercegovine ”.

Sjedište Saveza je u Sarajevu, u ul. Avdage Šahinagića 14.

Savez ima svojstvo pravnog lica i djeluje na području Federacije Bosne i Hercegovine.

Član 4.

Savez ima pečat i štambilj.

Pečat Saveza je okruglog oblika, promjera 30 milimetara, sa tekstom u spoljašnjem krugu ispisanim latinicom: "Savez slijepih Federacije Bosne i Hercegovine – Sarajevo", a u sredini je otvorena Brajeva knjiga sa rukama na knjizi.

Štambilj Saveza je pravouganog oblika, dužine 60 mm i širine 30 mm, sa istim tekstom kao i na pečatu. U donjem dijelu štambilja ostavljen je prostor za upisivanje podataka za prijem i otpremu službenih akata.

Član 5.

Savez predstavljaju i zastupaju predsjednik, zamjenik predsjednika i izvršni direktor Saveza.

Član 6.

Rad u Savezu obavlja se po pravilu volonterski.

Upravni odbor Saveza može odlučiti da se neki poslovi u organima Saveza obavljaju uz naknadu ili nagradu.

Član 7.

Djelatnost Saveza je socijalno-humanitarna.

II – CILJEVI I DJELATNOST SAVEZA

A) CILJEVI

Član 8.

Ciljevi Saveza su:

1. Okupljanje slijepih osoba radi njihovog organizovanog djelovanja i poboljšanja sveukupnog položaja u društvu;

2. Poboljšanje i unapredjenje uslova za ostvarivanje prava u oblasti: socijalne zaštite, zdravstvene zaštite, dječije zaštite, rehabilitacije, zapošljavanja, obezbjedjenja tiflotehničkih pomagala, informisanja, kulture, sporta i dr.;

3. Podsticanje razvoja ličnih sklonosti slijepih, organizovanjem i realizovanjem raznih aktivnosti primjerenih njihovim mogućnostima i potrebama;

4. Podsticanje i koordiniranje aktivnosti za razvoj društvene brige o slijepim osobama, radi uspješnijeg i potpunijeg zadovoljavanja njihovih potreba i zaštite prava i interesa;

5. Podsticanje, izdavačke bibliotečke i kulturno-informativne djelatnosti za potrebe slijepih, njihovih udruženja, saveza i ustanova;

6.Organizovanje i neposredno obavljanje određenih privrednih i uslužnih djelatnosti ili osnivanje privrednih društava radi sticanja sredstava za finansiranje programskih aktivnosti Saveza;

7.Doprinošenje ostvarivanju funkcija općinskih, gradskih i kantonalnih organa, učestvovanje u ostvarivanju djelatnosti drugih kantonalnih i federalnih institucija i organizacija, obavljanjem poslova i aktivnosti na osnovu zakonskih ovlaštenja i drugih propisa;

8.Podsticanje aktivnosti na prikupljanju u zemlji i inozemstvu donacija i humanitarne pomoći u tiflotehničkim i drugim pomagalima, radi pružanja pomoći članovima Saveza.

9.Ostvarivanje saradnje sa ustanovama za slijepe iz oblasti obrazovanja i kulture radi zaštite potreba i interesa slijepih;

10.Stvaranje uslova za rad članova Saveza, njihovo organizovanje i djelovanje;

11.Ostvarivanje međunarodne saradnje u skladu sa potrebama i interesima slijepih, njihovih udruženja i saveza.

B) DJELATNOST

Član 9.

Radi ostvarivanja ciljeva Saveza iz prethodnog člana, Savez naročito:

1. Podstiče i koordinira aktivnosti na otkrivanju i evidentiranju slijepih i njihovom učlanjivanju u područna udruženja i druga udruženja i saveze;
2. Organizuje i podstiče istraživanja i izučavanja uzroka i posljedica sljepoće i slabovidnosti, radi njihove prevencije;
3. Vodi evidencije o slijepima i obradjuje statističke podatke i izvještaje;
4. Stara se o rješavanju problema i pojava socio-ekonomskog položaja slijepih na osnovu rezultata istraživanja;
5. Predlaže i obrazlaže sistemski rješenja za unapredjenje ili uspostavljanje određenih oblika zaštite slijepih;
6. Prati i izučava zakonske i druge propise kojima se uređuju pitanja od interesa za slijepe i neposredno se uključuje u aktivnosti na njihovom donošenju, obavještava članove Saveza o uspostavljenim oblicima i pruža pomoć pri ostvarivanju pojedinih prava;
7. Izučava iskustva u oblasti rehabilitacije i podstiče stvaranje uslova za rehabilitaciju i integraciju slijepih;
8. Prati zaposlenost i podstiče zapošljavanje, organizuje i prati rezultate istrživnja mogućnost rada i zapošljavanja na određenim poslovima u odgovarajućim tehnologijama, predlaže otvaranje i opremanje radnih mjesta za zapošljavanje i rad slijepih i adaptaciju tih radnih mjesta tiflo-pomagalima i drugom specijalnom opremom;
9. Promovira stručnu i drugu pomoć za pravilan odgoj i školovanje djece u ranim godinama života, podstiče elementarnu rehabilitaciju kasnije osljepljelih i osposobljavanje slijepih za kretanje i neovisno življenje;
10. Prati naučna i tehnološka dostignuća i nabavlja tiflo-tehnička pomagala u zemlji i inozemstvu namjenski obezbjeđenim sredstvima;

11. Podstiče i organizuje kulturno-umjetničke aktivnosti i informisanje slijepih osoba u njima dostupnim tehnikama / Brajevo pismo, tisak sa uvećanim slovima, tonski zapisi i sl./;
12. Radi na postizanju ravnopravnog pristupa informacijama, podstiče, štampanje, snimanje i reprodukovanje udžbenika, literature, publikacija i sl., na Brajevom pismu, tisku u uvećanim slovima i nosačima zvuka;
13. Organizuje sportske, šahovske i rekreativne aktivnosti slijepih;
14. Pomaže članovima Saveza na stvaranju uslova za njihov rad;
15. Uspostavlja saradnju sa srodnim organizacijama i ustanovama u zemlji i inozemstvu;
16. Osniva privredne i druge subjekte radi sticanja sredstava za finansiranje aktivnosti Saveza i pomaže članovima Saveza u njihovom osnivanju;
17. Objavljuje publikacije o obilježavanju jubilarnih godišnjica, rezultate istraživanja i materijale sa stručnih savjetovanja;
18. Podstiče prikupljanje donacija i humanitarne pomoći u tiflo-tehničkim i drugim pomagalima u zemlji i inozemstvu ili te poslove za račun Saveza povjerava humanitarnim organizacijama, vladinim i nevladinim organizacijama, pojedincima, grupama građana ili drugim organizovanim institucijama u zemlji i inozemstvu;
19. Obavlja i druge poslove u interesu slijepih osoba, njihovih udruženja i saveza, u skladu sa zakonom i ovim statutom.

Član 10.

Savez može osnovati privredne i druge subjekte za obavljanje određenih privrednih i uslužnih djelatnosti radi sticanja sredstava za finansiranje osnovne djelatnosti Saveza, u skladu sa zakonom.

Medjusobni odnosi Saveza i subjekata iz stava 1. ovog člana bliže se uređuju ugovorom.

III – ČLANSTVO

Član 11.

Članstvo u Savezu je dobrovoljno.

Članovi Saveza mogu biti kantonalna udruženja ili savezi, područna udruženja iz kantona u kojima nije osnovano kantonalno udruženje ili savez i privredni i drugi subjekti čiji je osnivač ili vlasnik Savez slijepih Federacije Bosne i Hercegovine, koji prihvataju prava i obaveze utvrdjene zakonom i ovim statutom.

Uz zahtjev za prijem u članstvo Saveza, potencijalni član potpisuje izjavu o prihvatanju prava i obaveza propisanih Statutom Saveza.

Odluku o prijemu u članstvo donosi Upravni odbor Saveza.

Članovi Saveza plaćaju članarinu.

Član 12.

Prava članova su:

- da biraju svoje predstavnike u Savez;
- da učestvuju u izboru organa Saveza, predsjednika i zamjenika predsjednika Saveza;
- da učestvuju u izboru predstavnika Saveza u asocijacije u kojima je Savez član;
- da sudjeluju u radu saveza i donošenju odluka organa Saveza;
- da iniciraju rješavanje problema od interesa za Savez i njegove članove shodno ciljevima Saveza;
- da budu redovno informisani o radu saveza i njegovih organa;
- da iniciraju izmjene i dopune statuta Saveza.

Dužnosti članova su;

- da doprinose ostvarivanju ciljeva i djelatnosti Saveza;
- da provode odluke i zaključke organa Saveza;
- da izvještavaju Savez o svom radu od interesa za rad Saveza;
- da redovno plaćaju članarinu;
- da čuvaju ugled Saveza i asocijacija u kojima je Savez član;
- da se pridržavaju Statutom Saveza utvrdjenih i drugih prava i obaveza.

Član 13.

Za povrede prava i dužnosti, naročito za kršenje odredaba Statuta i narušavanja ugleda Saveza, članovima se mogu izreći sljedeće mjere:

- pismena opomena pred isključenje i isključenje iz Saveza.
Mjere iz prethodnog stava izriče u prvom stepenu Upravni odbor Saveza, a po žalbi odlučuje Skupština Saveza.
Odluka Skupštine Saveza je konačna.

Član 14.

Članstvo u Savezu prestaje:

- istupanjem
 - brisanjem i isključenjem.
- Svaki član može istupiti iz Saveza po svojoj volji.

Iz evidencije se briše član:

- ako se učlani u drugo udruženje ili Savez osoba sa invaliditetom;
- ako neplati članarinu uzastopno dvije godine;
- ako prestane postojati.

Isključenje iz Saveza povlači za sobom i opoziv članova te organizacije koji vrše neku od funkcija u Savezu ili u drugoj asocijaciji čiji je Savez član.

IV – ORGANI SAVEZA

Član 15.

Organi Saveza su: Skupština i Upravni odbor.

A)-Skupština Saveza

Član 16.

Skupštinu Saveza čine zastupnici izabrani u kantonima i privrednim i drugim subjektima čiji je osnivač ili vlasnik Savez slijepih Federacije Bosne i Hercegovine.

S područja svakog kantona u Skupštinu Saveza biraju se po dva zastupnika, a iz privrednih i drugih subjekata po jedan.

Izbor zastupnika iz kantona vrše kantonalna udruženja ili savezi, a u slučaju da nisu osnovani izbor se vrši dogovorom područnih udruženja.

Zastupnike iz privrednih i drugih subjekata u Skupštinu Saveza biraju njihovi nadzorni odbori.

Odlukom o raspisivanju izbora koju donosi Upravni odbor Saveza, utvrđuje se broj zastupnika u Skupštini Saveza.

Mandat izabranih zastupnika verifikuje Skupština Saveza na konstituirajućoj sjednici na osnovu izvještaja Verifikacione komisije.

Konstituirajuću sjednicu Skupštine Saveza saziva predsjednik i rukovodi njenim radom do izbora novog predsjednika Saveza.

Mandat zastupnika traje četiri godine, uz mogućnost ponovnog izbora.

Član 17.

U ostvarivanju svoje funkcije Skupština Saveza:

- donosi statut, izmjene i dopune statuta i druge akte određene statutom,
- daje saglasnost na pravne radnje poduzete u postupku osnivanja Saveza;
- bira i opoziva predsjednika i zamjenika predsjednika Saveza, članove Upravnog odbora i zastupnike u saveze i druge asocijacije;
- usvaja izvještaje koje je pripremio Upravni odbor;
- odlučuje o udruživanju u saveze, pripajanju, razdvajanju, transformaciji, prestanku rada i drugim statusnim promjenama Saveza;

- usvaja godišnji program rada Saveza, finansijski plan, izvještaj o radu i finansijskom poslovanju Saveza, vrši nadzor nad zakonitošću rada Saveza;
- razmatra ostvarivanje djelatnosti Saveza, načela organizovanja i utvrđuje smjernice za dugoročnu orijentaciju i razvoj Saveza;
- donosi pravilnik o nagrađivanju i davanju priznanja i druga opšta akta, u skladu sa ovim statutom;
- odlučuje u drugom stepenu po žalbama na odluke Upravnog odbora Saveza;
- vrši i druge poslove u skladu sa zakonom i ovim statutom.

Član 18.

Skupština Saveza zasjeda po potrebi, a najmanje jednom godišnje. Odluku o zakazivanju sjednice Skupštine Saveza donosi Upravni odbor Saveza i utvrđuje prijedlog dnevnog reda.

Predsjednik Saveza je dužan da sazove sjednicu Skupštine Saveza neovisno od stava Upravnog odbora, na pismeni zahtjev jedne polovine zastupnika u Skupštini ili izvršnog direktora u roku od 30 dana, od podnošenja zahtjeva.

Ukoliko predsjednik Saveza ne postupi po zahtjevima iz prethodnog stava, sjednicu Skupštine Saveza saziva zamjenik predsjednika ili izvršni direktor Saveza.

Pozivi za sjednicu Skupštine Saveza sa materijalima za sjednicu, dostavljaju se zastupnicima po pravilu 15 dana prije sjednice.

Kvorum za održavanja sjednica Skupštine Saveza je prisustvo dvije trećine izabranih zastupnika. Odluke na sjednicama Skupštine donose se većinom glasova od ukupnog broja izabranih zastupnika, ako ovim statutom nije drugačije regulisano.

B) Upravni odbor Saveza

Član 19.

Upravni odbor bira Skupština Saveza i to po jednog člana iz svakog kantona, na prijedlog kantonalnih udruženja ili saveza i dogovorom područnih udruženja u slučaju da ne postoji kantonalno udruženje ili savez.

Mandat članova Upravnog odbora je četiri godine, uz mogućnost ponovnog izbora.

Upravni odbor je izvršni organ Skupštine, za svoj rad odgovara Skupštini, a svaki njegov član za svoj rad odgovoran je Upravnom odboru.

Upravni odbor održava sjednice po potrebi, a najmanje 2 puta godišnje.

Radom Upravnog odbora rukovodi predsjednik Saveza, a u njegovoj odsutnosti zamjenik predsjednika.

Član 20.

U ostvarivanju svoje funkcije Upravni odbor Saveza:

- priprema sjednice Skupštine;
- priprema nacrt i utvrđuje prijedlog Statuta i njegovih izmjena i dopuna, te prijedlog drugih akata koje donosi Skupština;
- provodi politiku, odluke i zaključke Skupštine;
- upravlja imovinom Saveza;
- podnosi godišnje ili periodične izvještaje o svom radu Skupštini na usvajanje;
- utvrđuje prijedloge programskih i opštih akata koje usvaja Skupština Saveza;
- donosi pravilnike i druga opšta akta koja nisu u nadležnosti Skupštine;
- utvrđuje prijedloge programa rada, finansijskog plana, izvještaja o radu i finansijskog izvještaja Saveza;
- imenuje i razrješava izvršnog direktora i donosi odluku o visini njegove plaće;
- donosi odluku o visini godišnje članarine;
- pokreće aktivnosti na sistemskom rješavanju obezbjeđivanja tiflotehničkih pomagala;

- osniva glasila Saveza u odgovarajućim tehnikama, imenuje glavne i odgovorne urednike redakcije;
- osniva privredne i druge subjekte;
- imenuje svoja radna tijela;
- donosi odluku o organizovanju sekcija, savjeta i klubova;
- donosi odluke o nabavci stalnih sredstava, koja nisu u nadležnosti izvršnog direktora;
- donosi odluke o službenim putovanjima u inozemstvo članova organa, radnih tijela i izvršnog direktora Saveza;
- podstiče ostvarivanje izdavčke, bibliotečke i informativne djelatnosti na način dostupan slijepim licima;
- podstiče aktivnosti na stvaranju uslova za rad ustanova za obrazovanje i rehabilitaciju slijepih i inicira njihovo osnivanje;
- stvara uslove i organizuje istraživanje socio – ekonomskog položaja, uzroka i posljedica sljepoće i drugih problema i pojava, radi obezbjeđivanja prevencije i zaštite;
- bira predstavnike u domaće i međunarodne organizacije i asocijacije čiji je Savez član;
- donosi akt o naknadama i drugim troškovima zastupnika Skupštine i članovima Upravnog odbora, u skladu sa zakonom i ovim statutom;
- vrši i druge poslove u skladu sa zakonom, ovim statutom i drugim opštim aktima.

Član 21.

Sjednice Upravnog odbora zakazuje i utvrđuje prijedlog dnevnog reda predsjednik Saveza u dogovoru sa zamjenikom predsjednika, 15 dana prije zasjedanja.

Predsjednik je dužan da zakaže sjednicu Upravnog odbora na pismeni zahtjev jedne polovine članova Upravnog odbora ili izvršnog direktora, u roku od 15 dana, od dana podnošenja zahtjeva.

Ukoliko predsjednik Saveza ne postupi po zahtjevima iz prethodnog stava, sjednicu Upravnog odbora Saveza saziva zamjenik predsjednika ili izvršni direktor Saveza.

Kvorum za održavanje sjednica Upravnog odbora je prisustvo dvije trećine izabranih članova. Odluke na sjednicama Upravnog odbora donose se većinom glasova izabranih članova.

C) PREDSJEDNIK I ZAMJENIK PREDSJEDNIKA

Član 22.

Skupština Saveza bira predsjednika Saveza iz reda članova Upravnog odbora na mandat od dvije godine.

Član 23.

Predsjednik u vršenju svoje funkcije:

- Predstavlja i zastupa Savez;

- saziva sjednicu Skupštine i Upravnog odbora Saveza i rukovodi njihovim radom;
- potpisuje opšta i pojedinačna akta koje donosi Skupština i Upravni odbor Saveza;
- uskladjuje i koordinira rad organa i područnih udruženja Saveza;
- u saradnji sa izvršnim direktorom neposredno ostvaruje kontakte i saradnju sa državnim organima, organizacijama i drugim institucijama, pravnim i fizičkim licima, radi obezbjeđivanja ostvarivanja interesa i potreba Saveza i članova;
- priprema sa izvršnim direktorom materijale za sjednice organa Saveza;
- stara se o primjeni Statuta Saveza;
- odobrava službena putovanja u zemlji članovima organa, u dogovoru sa izvršnim direktorom;
- vrši i druge poslove u skladu sa zakonom, ovim statutom i drugim opštim aktima Saveza.

Član 24.

Skupština Saveza bira zamjenika predsjednika Saveza iz reda članova Upravnog odbora na mandat od dvije godine.

Zamjenik predsjednika Saveza pomaže u radu predsjedniku i zamjenjuje ga u njegovoj odsutnosti.

Član 25.

Predsjednik i zamjenik predsjednika ne mogu biti iz istog naroda.

Na funkciju predsjednika Saveza ne može se birati dva puta uzastopno osoba iz istog naroda.

D) IZVRŠNI DIREKTOR

Član 26.

Upravni odbor imenuje izvršnog direktora, u skladu sa zakonom i ovim statutom, na vrijeme od 4 godine, s tim da se imenovanje može ponavljati bez ograničenja.

Ukoliko izvršni direktor ne bude ponovno imenovan ili tu funkciju prestane obavljati iz drugih razloga, ostaje u radnom odnosu u Savezu i raspoređuje se na odgovarajuće radno mjesto.

Za izvršnog direktora može se imenovati lice koje ima visoku stručnu spremu, završen fakultet društvenog smjera i radno iskustvo od tri godine, na istim ili sličnim poslovima ili lice koje ima višu stručnu spremu društvenog smjera i radno iskustvo od pet godina, na istim ili sličnim poslovima.

Prednost imaju slijepi koji su se istakli organizatorskim sposobnostima u radu Saveza i unapredjenju zaštite slijepih osoba.

Član 27.

Izvršni direktor:

- predstavlja i zastupa Savez;

- stara se o realizaciji utvrđene politike i ostvarivanju programskih aktivnosti Saveza;
- obezbjeđuje praćenje i izučavanje zakonskih i drugih propisa i neposredno učestvuje u njihovom kreiranju, prikuplja podatke i obavještava članove o oblicima zaštite, pravima i povlasticama i pruža pomoć za njihovo ostvarivanje;
- organizuje obradu i pripremu materijala za potrebe organa i pruža stručnu pomoć organima i oblicima djelovanja;
- učestvuje u pripremanju sjednica i neposredno radi na realizaciji odluka i zaključaka;
- donosi rješenja na osnovu zakona, opštih akata, odluka i zaključaka organa Saveza;
- naredbodavac je po finansijskom planu Saveza;
- potpisuje finansijske dokumente i poslovnu prepisku;
- odgovoran je za zakonitost rada Saveza;
- ostvaruje saradnju sa državnim organima i drugim institucijama i organizacijama, radi unapredjenja svih oblika zaštite slijepih osoba;
- koordinira rad radnih tijela;
- učestvuje u radu Upravnog odbora bez prava odlučivanja;
- ostvaruje kontakte i poslovnu saradnju u ime Saveza;
- organizuje administrativne poslove i rukovodi Stručnom službom Saveza;
- odlučuje o nabavci pomagala;
- odlučuje o troškovima investicionog održavanja i nabavci stalnih sredstava u vrijednosti do 30.000,00 KM godišnje;
- odlučuje o kupovinu sitnog inventara i potrošnog materijala;
- zaključuje ugovore u vezi sa realizacijom programskih aktivnosti Saveza;
- zaključuje ugovore o realizaciji projekata i donosi odluke o utrošku sredstava za njihovu realizaciju;
- odlučuje o iznajmljivanju poslovnog prostora, opreme i uređaja Saveza;
- odlučuje o službenim putovanjima zaposlenika Stručne službe u zemlji i inozemstvu radi obavljanja poslova za potrebe Saveza;
- odlučuje o svojim službenim putovanjima u zemlji i članova radnih tijela Saveza;
- odlučuje o korištenju putničkog automobila u skladu sa Pravilnikom;
- radi na sticanju materijalnih, finansijskih sredstava i obezbjeđuje uslove za nesmetan rad organa Stručne službe Saveza;
- prati i obezbjeđuje realizaciju finansijskog plana Saveza;
- rukovodi radom stručne službe Saveza;
- odlučuje o zasnivanju i prestanku radnog odnosa zaposlenika Stručne službe Saveza;
- odlučuje o visini plaća zaposlenika, toplom obroku, regresu i drugim pravima i naknadama po osnovu radnog odnosa, te o stručnom obrazovnju zaposlenika;
- odlučuje o angažovanju radnika za obavljanje privremenih i povremenih poslova;
- odlučuje o obavljanju poslova po osnovu ugovora o djelu;
- za svoj rad odgovoran je Upravnom odboru Saveza;
- vrši i druge poslove u skladu sa zakonom, ovim statutom i drugim opštim aktima.

V- STRUČNA SLUŽBA SAVEZA

Član 28.

Stručne, finansijske, administrativne i druge tekuće poslove obavlja Stručna služba Saveza u skladu sa zakonom i ovim statutom.

Broj stalno zaposlenih radnika u Stručnoj službi utvrđuje Upravni odbor na prijedlog izvršnog direktora.

Zaposlenici Stručne službe Saveza za svoj rad odgovorni su izvršnom direktoru Saveza.

VI – JAVNOST RADA

Član 29

Rad svih organa je javan.

Javnost rada Saveza obezbjeđuje se i ostvaruje na sjednicama organa, dostavljanjem materijala, putem sredstva javnog informisanja i glasila Saveza kao i na drugi način u skladu sa zakonom i ovim statutom.

VII- IMOVINA SAVEZA

Član 30.

Imovinu Saveza čine:

- 1.članarina;
- 2.dobrovoljni prilozi i pokloni fizičkih i pravnih lica;
- 3.sredstva dodijeljena iz budžeta;
- 4.prihodi od kamata, dividendi, dobiti od kapitala, zakupnina, honorara i sličnih izvora pasivnih prihoda;
- 5.prihodi stečeni obavljanjem privredne djelatnosti;
- 6.drugi prihodi stečeni u skladu sa zakonom i Statutom.

Član 31.

Imovinom u svojini Saveza upravlja Skupština Saveza i Upravni odbor Saveza.

U slučaju prestanka rada Saveza, njegova imovina se predaje organu ili organizaciji koji preuzimaju vršenje poslova Saveza, ako Skupština Saveza ne odluči drugačije.

VIII- NAGRADJIVANJE I DAVANJE PRIZNANJA

Član 32.

Savez dodijeljuje nagrade i priznanja za dugogodišnji rad, posebne zasluge ili povodom značajnijih godišnjica i drugih događaja.

Savez može pokrenuti inicijativu za dodijelu odlikovanja i drugih društvenih priznanja članovima i građanima koji imaju zasluge u ostvarivanju ciljeva Saveza.

Najviša priznanja Saveza su:

- plaketa i

- zahvalnica.

Plakete dodijeljuje Skupština, a zahvalnice Upravni odbor Saveza.

Ostale nagrade i priznanja, način dodijeljivanja i pokretanje inicijative za odlikovanje i druga društvena priznanja, uređuju se Pravilnikom o nagrađivanju i davanju priznanja.

IX- PRESTANAK RADA SAVEZA

Član 33.

Savez može prestati sa radom dobrovoljno ili po sili zakona pod uslovima utvrdjenim zakonom.

Savez može prestati sa radom dobrovoljno, na osnovu Odluke Skupštine Saveza, ako se za prestanak rada Saveza izjasni dvotrećinska većina zastupnika Skupštine Saveza.

X-POSTUPAK ZA IZMJENE I DOPUNE STATUTA, OVLAŠTENJA I NAČIN DONOŠENJA DRUGIH OPŠTIH AKATA

Član 34.

Upravni odbor Saveza priprema i utvrđuje Nacrt Statuta Saveza, njegovih izmjena i dopuna i upućuje na javnu raspravu, koja ne može biti kraća od 30 dana.

Nakon provedene javne rasprave Upravni odbor Saveza utvrđuje prijedlog Statuta ili njegovih izmjena i dopuna i dostavlja ga Skupštini Saveza na donošenje.

Za donošenje Statuta ili njegovih izmjena i dopuna potrebna je nadpolovična većina glasova izabranih zastupnika Skupštine Saveza.

Član 35.

Inicijativu za donošenje novog statuta Saveza ili njegovih izmjena i dopuna mogu dati organi Saveza i njegovi članovi.

Član 36.

Prijedlog opštih akata koja su u nadležnosti Skupštine Saveza priprema Upravni odbor Saveza.

XI- PRELAZNE I ZAVRŠNE ODREDBE

Član 37.

Na pitanja koja nisu uređena ovim statutom primjenjuju se odredbe Zakona o udruženjima i fondacijama Federacije Bosne i Hercegovine.

Opšta akta Saveza donijeće se ili uskladiti sa ovim statutom u roku od 6 mjeseci, od dana donošenja ovog statuta.

Tumačenje ovog statuta daje Skupština Saveza.

Član 38.

Ovaj statut stupa na snagu danom donošenja, a primjenjivće se nakon ovjere od strane Ministarstva pravde Federacije Bosne i Hercegovine.


Član 39.

Stupanjem na snagu ovog statuta prestaje da važi Statut Saveza slijepih gradjana Federacije BiH broj: 01-3-1/97 od 21.06.1997.godine i sve njegove izmjene i dopune.

Broj:01- 114- 1/06
Sarajevo, 09. 12. 2006. godine



PREDSJEDNIK SAVEZA


Fikret Zuko /